



KERATAN AKHBAR

AKHBAR	:	HARIAN METRO		
TARIKH	:	27/6/2019	MUKA SURAT	: 3
JABATAN	:	JMG		
KLASIFIKASI	:	PERHATIAN		



Ambil sampel lagi

PETUGAS Jabatan Alam Sekitar Kelantan mengambil bacaan air tadahan bukit di alur air menghala ke Sungai Pertang di Kampung Kuala Koh.

Proses penting untuk uji ketepatan, cari punca konklusif penyakit



Siti Nor Hidayatidayu Razali
sitor@hmetro.com.my

Gua Musang

Sampel air di empat lokasi di Kampung Kuala Koh di sini, diambil sekali lagi untuk menguji ketepatan keputusan punca penyakit yang melanda Orang Asli suku Batek yang menyebabkan 15 kematian dalam tempoh sebulan bermula Mei lalu.

Sampel air diambil Jabatan Alam Sekitar, Kementerian Kesihatan Malaysia serta Jabatan Mineral dan Geosains (JMG) Malaysia yang bermula pada jam 10 pagi hingga 3 petang semalam.

Sampel air diambil dari ta-



PETUGAS mengambil sampel air.

dahan bukit yang memerlukan perjalanan masuk hutan dan mendaki bukit lebih setengah jam, sungai tempat penduduk mandi, telaga tiub dan air sambungan di penempatan penduduk.

Pengarah Bahagian Pelak-

sanaan Operasi Agensi Pengurusan Bencana Negara (Nadma), Datuk Azizan Abu Taat berkata, sampel di empat lokasi itu diambil hasil rujukan penduduk Orang Asli dan



27-06-2019

seter

“

Kita akan membuat lima lagi siri sampel sehingga Julai ini untuk mendapat keputusan konklusif”

Azizan

badan bukan kerajaan (NGO) Sahabat Jariah Malaysia.

Katanya, sampel diambil untuk diuji oleh Jabatan Kimia dan dijangka mendapat keputusan bulan depan.

“Ia bagi memberi keputusan lebih tepat berhubung punca penyakit dihadapi penduduk Orang Asli di kampung ini yang dapat memberi kepuasan kepada banyak pihak mengenai punca penyakit di perkampungan ini.

“Persampelan ini dibuat kali ketiga dan kita akan membuat lima lagi siri sampel sehingga Julai ini untuk mendapat keputusan konklusif.

“Kita harap usaha ini dapat membantu penduduk Orang Asli mendapatkan bekalan air bersih dan hari ini (semalam) kita fokus kepada isu pencemaran air,” katanya ketika ditemui di Kampung Kuala Koh di sini, semalam.

Turut hadir, Ketua Pengarah Jabatan Kimia, Mohd Zaini Abdul Rahman, Pengarah JMG Kelantan, Che Abdul Rahman Jaafar, Pegawai Kesihatan Daerah Gua Musang, Dr Mohamad Rafiq Mohd Kasri dan Presiden Sahabat Jariah Malaysia, Johan Halid.

Mengulas lanjut, Azizan berkata, penduduk Orang Asli di Kuala Koh dinasihatkan supaya memasak air sebelum diminum.

Sementara itu, Tok Batin Kampung Kuala Koh, Mohamad Pokok berkata, dia bersyukur pihak berkenaan mengambil sampel air di perkampungannya bagi mengenal pasti punca penyakit.